

T 3224/6139.8

4

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY  
OCT 20 1944



羅源縣志卷之五

人物

哈佛大學漢和  
圖書館珍藏印

榭楠椽樟檀材於鄧林赤箭青芝之類  
為標壽國壽民咸稱焉庸獨名之美也羅邑山川  
靈秀而杰起瑰璋之儔後先相望唐宋以來其間  
詮匠濟時艱包羅今古委身殉國據文武之宏猷  
居邦家於磐石炳炳烺烺芳名垂于竹帛洵由實  
抱徵為實用美材高品烈燦鄉閭若有資稱奇類  
志樂幽閒家敦孝友里稱善人壽考等於巖著  
節烈瘞乎水霜雖不敢齒諸公之

羅源縣志卷之五 人物



豐功偉烈羽翼經傳要皆天地山川正氣所盤結而生  
世所罕覩並志之

一名賢

陳一縝字師文淳質有守少年拔薦平生喜誦伊雒之學  
一宋淳熙間考亭昌明理學公尤宗之屢試禮部每對策  
一獨心誠意為說輒為主司所黜晚就南廊時淳熙  
一席然上封事乞令科舉鄉試策以時務公  
一廷試獨慨然曰今得對天子之廷其可  
一負此命也乃終以正心誠意為對始終

發明

以榮之

顧中子曰正心誠意子思子思子思子思子思子思子思  
昌言為法為則吁嗟道學一脈

張一疇字潤老北湖人宋嘉定四年登第淳祐間擢司成  
累官國子祭酒後以端平殿學士同樞密院事兼參知  
政事進爵長樂郡公致仕卒贈少師淳祐甲辰權相之  
嵩之以丙憂去位朝野胥慶上念越王之黨春將有奪  
情起服之命廷臣請其憂之莫敢有抗言者公時為



郎於朝因太學發策感動臺臣與三鎮其論之其意遂  
寢及至嵩之終禪將有經營復入之漸公時爲太司馬  
率同列懇切言之至引乾興之處丁謂元祐之處蔡確  
云應以處嵩之疏上而再相之命遂革不行公從此直  
聲動天下名載一統志 疏見藝文志

願中子曰宋室已南鼎猶折足半幅江山其何能淑卷卷

一伊誰黃鵠累百棟折用憂寡君是妨心乎愛之其人 玉如

張 衡字用甫北陽人嗣之季子蔚之從弟也性極嚴毅

雖燕居必斂襟肅容家人子任見必屏氣變色聞其履

聲多畏避之慶元中爲大學生時韓侂胄當權旣逐朱

考亭復使李沐擊趙汝愚克焰日熾公與同舍生楊宏

中等六人伏闕上書救汝愚請竄李沐以謝天下觸侂

胄怒疏上內批云妄亂上書煽搖國勢俱編管五百里

外中書舍鄧驛微還錄黃不聽知臨安府錢象祖乃胄

黨也遣捕六人押送貶所公蓋太傅公嗣季子尤所鍾

愛聞之不以爲戚其兄少師公備方宰清江聞其竄寄

之以詩有賈誼誰云終不遇酈生自謂我非狂之句後

以恩沛放還用太傅蔭奏補授官及侂胄殛死嘉定元



年詔褒錄慶元上書六人公特循一資格改爲太和宰  
世稱慶元六君子焉 疏見藝文

顧中子曰余讀宋史以公之批鱗啓沃抑權奸植善類忠  
惻足以貫天日格豚魚而不能邀主眷崎嶇於東南瘴  
癘之鄉怡然樂之公之性然哉抑亦父兄之教歟不然  
信見疑忠被謗能無懟乎又爲之贊曰匪我思狂燕雀  
窠堂蘇糞壤以充幃謂申椒之不芳歎君門萬里傷宋  
土茫茫繁霜淒而不輟其音百卉靡而不變其色江山  
澹澹松栢蒼蒼

黃 倫字公擇東隅人贈大中大夫執躬季子長兄槐

紹興甲戌進士公丁丑進士次兄樸庚辰進士里人林

芑爲立三黃碑記監明倫堂 記載藝文 公慶元間任中奉大

大提舉寧宗時封羅源縣開國男食邑三百戶賜紫金

魚袋勅巡廣南路轉運使兼本路勸農使時開奏五事

疏載藝文 公與朱考亭友善往來翰墨至今猶存卒入鄉賢

陳顯伯字立夫號竹所重上人少孤奉母盡孝年十九入

太學寶慶間釋褐任中書舍人權直學士院歷轉至吏

部尚書兼端明殿大學士通奉大夫爵長樂郡開國侯



食邑千二百戶公初職講官度宗時封忠王嘗稱公曰  
陳先生循循善誘人及東宮建資善堂選為講官每入  
朝理宗必屬目焉尋以丁謂當權遂拂袖歸治南坡為  
終老之計然東宮歲時尺書勞問理宗尤思以儲貳托  
公璽書屢下以疾堅辭不起乃詔加端明殿大學士致  
仕於是有意啓迪後進講明道學為已任捐構松亭書  
院修治橋梁道路自此鄉人子弟來學彬彬公大有造  
于後學者如此先時寶祐丙戌同知貢舉是科文天祥  
謝枋得陸秀夫等皆公所取士也本年以老歸田明年

卒壽七十

務郎李翰

張半南字唐

直有守恬於

之士

有名者皆

嘗與

贈送以詩

中子寶日人言



長難進者易退士非不欲進也  
身在漩淵何能拯天  
列波下泉公益傷之

倪翼號澹齋羅平人

官潮州秋曹

守云三

歲優游田

願申子以帝恩

枉法官去身

黃脩字誠之號南淵其祖自三山徙一山而遷葢狀

朴之裔宋嘉定十六年擢第仕至興國軍寶慶府倅淳

厚寡言待鄉曲極謙和如未嘗有官者在京鹽鈔時

張公禕在政府進見即退一無所干張公怪之

推轂于程丞相程諾以堂除處之未幾公忽詣張公

歸叩之已即部注寶慶倅矣張公愧憤語公曰某已

於丞相幸有堂除之諾何爲自外若此公曰貧達有命

某竹儒逐祿亦不願仕於京苟公厚意不敢忘遂告歸

其生平自守槩可見矣



葉慈佐號止堂先生居豐上里宋端平二年登第生平  
恆會書判生平力學有守布衣時居京序與林公在  
執友林時未遇與公共甘苦後公登第林亦繼登第  
詞科爲顯宦葉僅得郡博林已擢貴公未嘗過意及  
秩引在京林且參政府與下風厲附公職之一日葉  
強協公一謁公不得已從之行林迎先待以舊天節  
敘契濶公喟然曰某與公在貧賤時以道義相學今  
幸顯貴何苦不爲君子而甘與小人比肩耶林作笑  
公曰某誠小人公欲爲君子行其志可也公謝

辭去注興宰而歸及其再宰青陽也值賈似道行限  
事甚急公獨不肯奉行曰吾寧不做官此事不可行也  
州文輒至公慢不省郡守服公固守不忍舉報適郡缺  
掌教乃檄公攝郡學事而他命幕職攝公也其操執不  
撓老而益堅如此晚歸田里董教松亭壽至八十

張蔚字文明北隅人宋太平興國二年登第官至參政  
爲開邑進士第一聖人立冠英坊榮之公會于元符二  
年捐置義塚在西關外鐵嶂山下

顧中子曰張公文明吾雖不及其行事第念奕世繩繩拖



金紆紫半在朝右子若孫咸有古大臣風苟非公之身  
範有以陶冶之何能至是公其有道者與

贊曰羅之名賢稱理學者首推鎮楡云蓋朱考亭格致誠  
正之學時方厲禁陳則宗之黃則友之可謂會明崇正  
學者為之執鞭所欣慕焉若夫曆與術折忠奸於去取  
顯伯調儲貳於幾微張黃抗節于權臣倪葉伸志于僚  
友庶幾二公之次哉至若蔚公係開縣進士第一捐建  
義塚澤及枯骨豈非賢哉

政蹟

余一與仲原東隅人宋元豐五年登第官至太宰封後  
國公加少傅在位日嘗奏福省烟瘴之地非酒無以禦  
瘴乞蘇酒禁上可其奏又以已俸代福建民戶丁錢一  
百餘年民蒙其惠宜和間有奏論免開邊疏及謝福州

安撫表 見藝文

按宋史以深治張懷素獄捕合蔡京意曲為掩覆遂為  
力引驟至就政按懷素妖事者御史中丞深與京兆尹  
林摠同事於林摠傳得民士交關書疏數百摠請悉焚  
夢以安友側衆謂為長者京與懷素交最深摠實為京  
地也同事也獨得長者之稱何歟又深摠附蔡京結  
為死黨京奸謀詭計但動者多深為首摠次之喜結黨  
宋史駁之公于重和元年為少宰宣和元年為太宰明  
年遂罷而以王黼為太師黼方任即議開邊政進之



策公先因夫花石綱銀觸忤上意遂罷公而進黼副  
 于京黼未嘗為黨可知至後蔡攸童貫開府濶溝積  
 捐幣收燕誤國之事公已歸第不預聞矣又按余氏  
 譜哉宣和中深諫開邊之疏觀此其非黨于京黼明  
 總之大宰立朝無大過人但為福建諫正花石綱  
 禁代輸丁錢為德于此非細作萬歷壬子福建志  
 不知脫脫之言難信而遽編之邪伎吁何其放心而  
 知求也是烏可以無辨  
 華亭章簡評

倪 昇羅平里人宋紹聖間以薦辟授邑教博物多材天  
 聖間見縣治在西偏水陸寺原址地昏卑濕倉穀每為  
 大水淹壞責賠職守甚累民間又以儒學依四明山下  
 形勢不便毅然與邑人陳智津議遷白諸當道不允乃  
 伏闕上書奏請得旨至慶曆八年移縣學建之今地卒

從祀鄉賢

林興祖字宗起元至正二年進士等邑教有成績擢鉛山  
 州誅豪強吳友文政聲孔著繼陞道州路總管徭賦廉  
 其廉愛三年不敢犯境州蝗食麥禱祈蝗死罷興作賑  
 貧乏輕徭薄斂州得大治專載一統志明成化十六年  
 督學周孟中立鄉賢祠與張礪同祀

陸 引字維遠西隕人性鯁直鄉人呼謂獨鷓明洪武十

八年由明經薦舉士問為政治民之道引對稱台授象  
 山縣丞漚政清嚴眉身廉潔常休外一介不取視事二



年計口植蔬以勤民事積勞卒 見神異志

翁 海東瀕人由賢良授河南信陽縣令信陽襲元弊務侈靡明洪武二十五年與指揮周清聖節宴乃具奏禁治其略謂周清沿襲元弊嫌飲食不豐恃職尊崇藐臣微秩甚至酒酣拍手狂歌略無敬畏乞為禁治周亦上章據公微過者民陳伯大周希文等十八人懼為公累赴京建言公果得直周因取決仍革天下年節只依舊制稱賀不許設席至今里役不至科徵

鄭 鼎字惟重西隅人本縣醫學訓科永樂八年署縣

奏裁革官吏其略曰本縣槩管一十六里人民稀少

糧只有五千餘石原設縣丞三簿例令裁革上可其請

既復與字思廉西隅人由舉人授廣東肇慶府經歷擢本

地市舶提舉時瓜哇國進貢舟至瓊州抱虎海石欄內

波沉公率漁舟百餘沿海撈取公默誠祝天越十餘日

舟瀾于石撈出檢視不失一物作海神還金歌以紀事

陸 駿字文明西隅人明成化貢生任廣東歸善縣令見

東新橋浮江面闊三十六丈當二江之衝自宋蕪文忠

公捐犀帶創造歲久潰壞營造銳舟三十餘艘駕以木



板貫以鐵絙又造大舟二隻遇洪水則撐駕以通往來  
費自官給不索民間都憲韓公嘉其善政特疏題旌

黃 潼字仲廣東隅人少師榆之裔由舉人任廣西灌陽  
縣令徭獍之民多不嗜學公至脩黌宮勵士習庠中蔣  
鍾遂登第文風自此大振

鄭 遂字明初臨濟人少孤事母甚孝明洪武癸酉舉人  
授兵科給事中巡按兩浙黜陟臧否在官周恤困窮甚  
有惠政至永樂間出任湖廣沅州貳沅地雜苗獠俗曠  
悍公至爲之勸導悅服誦聲四遍表儀朝端

林 高字德崇臨濟人弘治貢生任廣東連山令地本瘠  
竊民與徭襍自西賊攻陷之後公署皆覆以茅而無居  
民且不知學公至化民興學聚商賈招流亡抑豪強捐  
宿負民慕其惠後其子旻由選貢亦爲連教諭署邑事  
甚有惠政人愛而稱爲賢喬梓云

全 泮字如璧東隅人明嘉靖明經督靖安邑庠凡宮墻  
俎豆莫不爲之增新又以餘橐周子弟之貧乏至謝任  
歸其父克恭乃治明經爲南海訓致仕公竭誠以奉  
里人稱其孝世濟其美云



林登字時章豐上人以贊督府事試吏部授烏程丞潔已推誠防奸剔弊凡例屬病民者一洗殆盡有烏程政蹟存其後人

周澗字汝霖招賢人明嘉靖選貢授金華府訓金華志稱其真誠狷介贄不一受委署東陽篆執法不阿遷棲霞教諭而去惟敝裘一函耳累遷益府紀善與益子講學中多規諷及歸卽世益王爲文誄之子繼憲任撫州經歷

尤光被字子輝號鑑峰招賢人明萬曆癸酉舉于鄉年纔二十有三越三年成進士授信陽刺史遷戶部尚書未幾調守和陽適遇旱魃公至與利除害不啻下車於一兩有胥獻羨餘三百公怒而斥之和爲孔道公捐俸往來困乏且械樸作人士風聳起撫牘剖決如流用讞哀矜勿喜當路多爲推轂無何公謝于任州人群尸祝焉郡志稱其威行惠流良不誣矣所著詩名敝篋存言

游定國字用正號震東賢一人由選貢任楚鄖令修盛水武陽二堰清編戶口汰浮下一千浮糧五百石教民力本勤行阡陌野塘種芋墻下樹桑鄖自此爲熙俗在鄖



七年有游青天之號當道方薦擢南雄同知公去楚適  
輿董權不擾上臺檄公署連州連素苦獞猺公練兵備  
隘賊不犯境會刺史得代署英德府守而流寇陷城公  
毅請單騎入賊壘殲巨魁散脅從封府庫招集流亡遠  
近悅服其應變綽綽如此隨遷荆府長史及拂衣歸出  
入里門絕不乘輿張蓋居然一寒士也崇禎十五年從  
祀鄉賢

林長存字尚孩號鶴齡豐上人一國朝順治庚子經魁辛  
丑聯捷進士任廣東靈山令地屬邊隅兵燹頻仍人民

離散城廓徒存公至清釐賦役招集流亡繕城垣築柵  
一梁修膠庠課子弟三年間靈俗以熙署廉州海防兼理  
司馬適西孽震鄰公奉檄會師過墟越境而流亡百姓  
聞公督師莫不襁負來歸西靈之地得公平定而安集  
之會擢廉州同知無何公已不祿靈人哀之如喪考妣  
至今立廟祀之

賚曰余觀羅志歷睹諸先生政蹟大者佐廊廟次者澤甲  
閭搦柄則一方倚庇職教則多士嚮風是誠得志澤加  
之所爲也可謂上不負君下不負民中不負所學者矣



後之釋褐從龍者得無覽足蹟而奮然以興者乎

忠節

余光庭字朝美太宰深之從弟宋大觀己丑擢第臚唱居前時太宰立奏臣王文光庭臣之從弟不肯避親請議黜之以示至公上可之公恬然曰吾手尚在無慮也拂衣東歸越三年再試禮部廷唱又在前列上識其名異之一名震京師歷官光祿寺丞出知南陽鄧州建炎初金人陷南陽守節不屈而死舉家殲焉僅有乳母負公幼子

以逃得脫自後道路阻隔莫知存否中興以後朝無親

舊南陽之節無有為之申明者竟無褒卹之典使公義

死之節泯焉是可哀哉 按族譜余經與余紳為兄弟經生君謨君謨生頴頴生光庭為

四世紳生襄襄生孟堅生深亦四世故深呼光庭為從弟云

顧中子曰資父事君曰孝與忠人生之大節古今之所維

也非此則天綱人紀頽矣南陽九城猶睢陽也正氣勁

節猶之張許也後先媲美寧有殊哉宜乎俎豆宮墻且

與陳張二公同祀三賢之堂

張留孫字思哲號玉峰宋少師備之後明洪武丁卯舉人



次年丁外艱居喪謹禮春官再上不利入監詣習旋以  
 母老侍養報可時有同學生卒於館舍公挈櫬遺諸其  
 親世多之家居立祠屋構春暉堂以娛母脩譜牒建社  
 學越數歲而第壯有室妹亦有家自揆曰奉母有人可  
 出而報國矣遂復入監旋歷戶部山西清吏司屬岱王  
 進嘉禾公因獻頌見藝文上奇之賜名勉學擢吏部司務  
 一博士王公孟敬薦其能陞湖廣按察司僉事授爵奉議  
 大夫贈父如其官公在楚居官以正綱紀厚風俗為已  
 任政尚寬恕刑無濫寃後荆王潛謀不軌公始發其謀

詔廢荆王為庶人及文皇登極荆王反譖公以離間帝

不直竟斬公于楚泉時年四十一衆論寃之弟曰畿字

思圻嗜學好吟咏設鄉社教後學永樂間詔修地理志

有司以思圻賢徵為總裁事畢以兄盡瘁國事歸隱

顧中子曰善人國之幹也荆王禍幾及國公預發其奸不

則三楚沸吳越動搖國事未可知也雖十世宥之可也

乃讒言一入身戮都市何其慘哉此巷伯所以致望於

豺虎之界也乎

林和王羅平人明洪武辛卯呈人章振祖乘草昧之時起



隴畝率耰鋤之徒為叛竹和玉與之俱和玉堅拒不從  
振祖籍其家資合門五十三口盡誅夷之惟和玉始之  
得脫邑令高相曰匹夫之志不可奪如此

孝友

蘇華老字實翁其父名謙宋淳祐四年登第未脫選而逝  
兄夢凱入太學公為季子自幼刻苦力學父母早逝事  
祖母以孝聞與伯氏極相友愛出入必偕伯氏亦不忍  
捨就秋試畢即束裝而歸姊姒時有違言各以義理責

解遂皆釋然及伯氏卒朝夕哭慕聞者感動有哭伯氏  
并哭祖母詩見鐘幃嘉話

林蕙孫字達叟西隅人仲龍之姪宋端平乙未特奏名少  
孤家貧業儒時山寇作亂負母避禍歷涉艱危採拾為  
養賊掠其家家徒四壁母因感疾年八十餘矣公齋戒  
祝拜凡九閱日夜更闌疲甚息于中途聞空中語云賜  
壽一紀覺拜回家母病果愈肩薪供奉極其滋味時人

名其所居曰孝巷

再見前與志有石氏雙烈女贈詩顯蹟一事

願中子曰孝順德也天地猶弗違而况於金石之堅鬼神



之幽物類之相感有不格者乎故奇孝易而庸孝難式  
廬之風與命巷之意可以識人心之有同然矣

陳 偕字同夫顯伯之從弟官奉議大夫郎僉書平海軍  
判事號月鏡有月鏡詩餘行世公中年未仕家甚貧而  
具慶在堂公竭力孝養朝夕甘旨未嘗缺父母不知其  
貧公之室蕭氏亦順公意苟有簪珥禕褥之屬可值數  
金者莫不樂爲典質以爲滌滌具鄉里咸以孝稱嘗咏  
歎漢史絕句云若使太公膏楚鼎可能天下贖其身其  
處心孝敬如此

林德昇字宗泰明末治間由選貢曾於廣邑博生年

淳厚友愛儉勤事後母如親生視異母弟如手足

鄭時澤字商霖臨濟人明嘉靖饑士家居時值倭人寇母

黃氏病篤與兄時清竊負而逃匿於土祠中奉侍不離

母飢取粥以進遇賊以刀臨之大呼曰使吾得餉母就

戮可也時清聞弟聲出奔救賊並殺之邑人哀之闔其

事于官蒙上臺批縣給助喪銀十兩匾曰雙孝旌其門

頤也子曰吾觀古來爲義士者卒多孝子也卽如聶政猶

不輕易許人以成其義公蓋義士也得諸天性者厚矣



臨危授命兄弟赴義與晉十壺之父于何以異哉

游尚寶字時珍賢一人以歲薦授粵邑博身範克端丕變

士習未幾稱疾歸性至孝歸承膝下飲食必親嘗以進

和寒暑雨不離左右為長枕大被其諸昆弟怡然共寢

倪 泳別字愛松臨濟人少有雋才每為督學器重痛父

早喪事母林氏孝敬盡禮母卒不樂仕廬墓三年鄉人

一異之有司無不式敬一時贈詩稱羨有遺孝集相傳

鄭 渭字唯潔有文學明老治間奉詔詣省城鍾山寺會

集羣儒修先皇實錄性至孝先是其父得渭晚提護最

篤未幾父死渭皇皇如失遺衣手澤荒丘古栢輒為也

慕感泣里人陳璨為之作永慕堂序

陳國俊西隴人邑增生素以孝稱父以儒吏候銓卒於都

門報至號踊不恤懸磬備歷風霜扶襯歸里哀動路人

瑩葬之資皆其舌耕所出殆可謂事父母能竭其力者

黃世顯東隅人邑庠士母周氏久病十餘載床褥斷腐齒

落世顯行年六十含哺以膳奉侍不離年節朔望必整

衣冠叩拜盥頰滂浴與夫衫器一切穢濁滌洗必出自

手恐取厭於妻兒婢僕母次篤悽切禱祝壽八十六終



日夜哀號柩側知縣黃杏巖施之願謂吾子職應爾安  
凡煩官長固辭焉

林志乾賢二人邑庠士遇母警疾晝夜泣禱孝感于天母  
目復明又廩生林元鑄事母耄耄孝敬有恒與坤江林  
茂芳事親盡誠竭力墓祭同時稱三孝子云

施可久賢一人度出三歲失父二母同心堅守可久感念  
母恩孝敬奉養無所不至娶林氏生三子長甫十歲妻  
卒誓不再娶其子舜仁稍長託眷屬多方勸娶終不聽  
獨居一室甘爲老 采首三十餘年知縣李德

贊曰父子兄弟天性也非純于天者鮮能篤愛于平日捐  
生於一旦故睹其夷險一致可卜其孝友性成閱蘇林  
以下諸君誠不媿於孝友矣

### 文學

張 翮字鳳卿北隅人宋紹興辛未進士治古學善屬文  
家居嚴肅語家法則以少傅張公爲首稱其子長諱牧  
韶州教次諱礪清江少師季諱道慶元君子

黃 槐字公應紹興開登進士第筆墨甚富任廣東提舉



有知者行所無事論至今各傳

余光泰宋景定間登進士第之詞博雅嘗採邑之先賢事

實可裨名教者編類成書名曰鐘幃嘉話

借此集論大不傳

張 瀚字文卿少傅翮之弟以學行為高願余復二人師

舉宋乾道丙戌進士居官臨民所至有聲年七十致仕

著有觀過錄三十二卷

高 頤字元齡經明行脩從遊者幾千人以禮記魁鄉薦

登第知永州東安縣卓有政聲博極羣書有詩文五百

餘篇學者稱拙齋先生子伯璵亦以禮記魁溧學

張 牧字逸叟少傅翮之長子宋紹熙元年登第自號修

門受韶州僉時出舍在浙江亭得父書開示喜特甚回

覆訖題詩于亭云結束青衫向日還得書南望意悠然

少寬二老庭闈念粗了生平燈火緣去路雖遙心已近

短篇欲就意難圓不妨淨洗笙歌耳垂接江濤到枕邊

及韶秩滿至清源道中聞子庠姪礪俱登第又題詩客

邸云道路已三月山川猶昔年繡花紅委地刺水綠平

田生計付身外兒曹慰眼前愈知貧有味無夢到愁邊

陳 駿字敏仲宋乾道五年進士為大冶丞從遊朱考亭



與黃幹楊復相友善著論語孟子筆義及毛詩筆義未  
脫稿而沒號仁齋先生子成父字玉汝克承家學安貧  
守道澹如也兩預上庠解選著有律歷志解和稼軒詞  
併默齋集藏於家

陳善字子兼東隅人天資穎悟九歲能暗誦五經弱冠  
遊郡庠泮教得其所爲文大驚異之曰崔藻不足多也  
時聞文學甲他郡歲大比試者萬人子兼獨步稱雄場  
屋中名震一時老師宿儒皆爲之傾動紹興間爲太學  
生時秦檜當國公不徇俗俯仰有司心雖借之畏權臣  
卒不敢取故不得勅一官公亦不以得喪喜戚動其心

歸復杜門讀書自經書子史以至九流三教與夫醫卜  
農圃之微無不精究或焚香默坐目不出戶宦情世故  
無幾微見于顏色及檜死始登紹興三十年進士授太  
一學錄所居有小溪與湖水合流因自號曰潮溪所著書  
詩文甚多經殘毀散逸惟傳有捫蝨新話十五卷

林迥字子山宋寶祐間以詩登特奏名歸隱南華洞時  
浙按部過羅源公遂以詩云當年春榜首傳名對御如  
君有幾人之句漸荅云兒童聞說子山名將謂先生是



古人海上偶經仙洞府岩前猶見玉精神南華久徹道  
 送夢兜率重來自在身携得新詩天上去不教辜負到  
 全閩先為金華丞歸日轉朝奉議郎賜緋榮之自稱南  
 華詩翁有南華集行于世

倪明獻字翼周淳熙乙未進士有詩集并六經論行世  
 林師魯字淑思號竹居先生子山之裔以文學教于鄉  
 尤端字克正招賢人明永樂丁酉舉人任訓導後居家  
 年六十九猶授經講學著有鑑江志齊家箴孫榮淹貫  
 經史亦著有白馬雜詠三冊

陳學文奎東州人早失父事母至孝嗜學長吟咏纏  
 木進士余元泰鐘幃嘉話采本邑之嘉言善行有補風  
 化者附為補遺

林公養字德平豐下人明嘉靖間鄉貢南相教諭  
 博學能文著清廉訓知命論載藝無軍羅備鵬奇之又  
 一作衛道以上當事略云邪行塞途異言滿耳古時邀福  
 於社稷未有沙門今人私度平寺巷忽略明祀施捨莫  
 光於無告崇奉當急于正神敬明神廢于敬佛愛孤窮  
 賢於愛僧著有河陽文集卷之一長安州教授龍世其學



林君績號丹崖自號華北之溪是歲定威寧關勅丹崖集  
行于世

李夢雷字明之號北山以文學為鄉先生晚客於浙入于  
始歸

李思恭字敬之號竹溪以詩稱於江湖嘗言其祖業德魯  
宰建寧之崇安秩滿歸家十餘年又得江西一鄰符因  
憇崇安橋人以客呼之祖題一絕于橋柱曰十二年前  
此地來縣中桃李手親栽時人不識潘郎貌却問客從  
何處來其淵源如此

林少奇字特可號春溪先生居梨洋嘗以文學教授鄉里  
晚客武林八十餘老梨洋

黃道亨字元及東隅人國朝順治拔貢先為華亭亭次  
弓賞監所著文集四卷詩集三卷時遭甲寅耿變羅致  
紳士公獨稱病入山避不肯就其生平之學守可知矣  
男雲翼也弟子員能讀父書詩文亦佳

陳長章字開煥羅平人康熙辛未鄉貢生平好古文詞手  
不釋卷晚年任漳州寧洋學博歸卒于家年已八十有  
六所集有黼黻文章四十二卷存篋



黃再華字龍亨東陽人康熙乙亥鄉薦篤學有守足跡不  
履公門設絳大觀堂聚徒講學多以正心誠意爲根柢  
晚年邑侯蔡彬慕其賢延入義館講學以爲後進楷模  
羅邑紳士多出其門

陳紹濂字伯友羅平人康熙丁丑拔貢少而穎悟博學能  
文雖在成人之列凡一言一行不敢自苟必稟命于  
父撫軍張公伯行聞其名延入三山麓峰書院纂修諸  
書父遇奇恩貢叔遇亨歲貢同年一門三貢

贊曰山陬海澨不乏人文但必語根忠孝學闡性天方不  
媿于文學之名羅邑諸君跡其風流儒雅著述翩翩  
皆文行兼優學守兩全雖未敢遽登游夏之堂垂之篇  
章亦足以羽經傳詔來學固足傳也

### 武功

張七才羅平里人明洪武九年充衛唐衛軍十八年征安  
南有功陞百戶再功陞定州玉林衛千戶世襲  
施有招賢人洪武九年充遵化衛軍征進漢州等處著  
績陞彰德衛百戶世襲



方得徐公人洪武十一年充遵化衛軍三十三年征進  
州有功陞彰德衛百戶世襲

倪文徐公人洪武九年充軍二十五年征驢駒河等處  
屢立軍功除昭信校尉後繼襲義勇左衛正千戶

黃志祿東隅人 國朝康熙二十年以軍功授副將職銜  
隨攻澎臺連 贈驍騎將軍 賜祭葬

黃蔡馨字得萬東隅人志祿兄以戎功授閩安鎮把總至  
攻臺灣有功加左都督給一拖沙喇哈番

黃榛字雲石東隅人性至孝幼業儒適閩遭耿變輒  
筆墨會王師恢復閩省併十九寨海澄金廈門等處  
從戎事參與帷幄功成總督姚公啓聖題授左都督  
命下時以老母在堂乞歸終養

俞一啓字道來賢一人由戎行克復澎臺有功題授陝西  
靖邊營遊擊又改補四川敘馬營參將年老帶職告歸  
行李蕭然

黃英字挺通號穎公拜井人少有大志父早逝事母孝  
事兄弟閩省耿變之後邊海尚懼鯨鯢公詣水性從事  
行間遂恢復臺島十九寨績勲孔懋題授左都督時公



以老母在堂不忍遠離赴選乃部催嚴迫方赴

陛見詢及來遲公以老母戀戀據實奏對

上益嘉之即授江南清標遊擊

二年江南視河公接

駕奏對無不稱

音即

御書唐句匾額以賜遂陞淮安參將

誥贈一門三代 誥載藝文又陞山東沂州副總兵方一年隨遷漕院中軍

陞見詢地方事宜奏對條詳

賜宴 賜翎 溫語慰諭後

蒙 皇 子並親王阿哥賜聯賜額恩寵異常歷任金

門總兵至康熙六十年間海臺變公扼守廈門協力

討恢復有功隨進臺灣辦理妥善地方輯睦

遠近德之公男三長正元康熙癸巳會魁侍衛在出

河保營守備次正清太學授光祿寺正改選府同知

正綱邑庠生

贊曰國家文武並重馬上之勞未可少之也羅之以從

征討躬冒鋒刃或作長城萬里或作砥柱中流績標

厥功繪雲臺榮褒三代慶衍雲仍庶幾追踪韓范矣

曰虎頭猿臂也小而稀觀哉

武功



神童

陳樸字叔厚徐公人宋紹熙庚戌登第終朝請大夫

管安撫

黃蛾徐公人宋時人年十五名播京師上名試之

前吟新月云初出如弓未上弦分明掛在碧雲邊時人

莫道蛾眉小十五團圓照滿天

何致遠豐下人宋紹熙二年登童舉特賜將仕郎攝蒼梧

可一邁豐下人致遠之叔皆上黨所出時稱二神童方四

歲福州社師奇之賦詩曰四歲奇童子精神最異常他

時解成就猶勝舊何郎

明連德開一卓一恭俱豐下人舊志姓名行實無

考

阮應辰邑西隅人禪齡善占對人目為神童縣公聞之名

入衙齋使媵妾為之梳髮出對云神童名震京師楊貴

妃親為束髮又即對云宰相功高社稷唐太宗特賜剪鬚

又芳辰逢勝友芙蓉如面柳如眉對亂世識忠臣松栢

作肝梅作骨又赤壁當年爭戰艦何如蘇子一舟對桐

江昔日束絲綸堪繫漢家九鼎如此之類皆膾炙人口



及爲八股都不見異未及娶而卒 傳爲明初間

贊曰童以神名志異也古稱四月識字四載屬文與夫對  
鸚鵡咏鳳凰固所謂神童矣生于羅者未必若是然而  
秉資迥異出口成詩亦一邑奇童子乎

鄉行

鄭伯淵字秋浦宋淳祐間人爲鄉塾師邑青衿半出其門  
性好義赴人緩急歲苦旱公年七十餘身爲民禱而雨  
至明年又旱禱驗如前此皆公精神感格所致邑有商



